



Broj: 04-50-2-851/26

Sarajevo, 28.05.2026. godine

PARLAMENT FEDERACIJE BOSNE I HERCEGOVINE
ZASTUPNIČKI/PREDSTAVNIČKI DOM

Hamdije Kreševljakovića br. 3,

71 000 Sarajevo

N/r Tajnik Zastupničkog doma g. Ivan Miličević

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 04-05-2026			
Org. jed.	Broj	Priloga	Vrijednost
05/1	-02-	325	126

Predmet: Odgovor na zastupničko pitanje zastupnika Almedina Aliefendića, dostavlja se;

Veza: Vaš Akt broj 01/1-02-325/26 od 14.05.2026. godine;

Poštovani,

Povodom zastupničkog pitanja uvaženog zastupnika Almedina Aliefendića, koje se odnosi na događaj vezan za radioaktivni gromobran na lokalitetu bivšeg preduzeća „Rudstroj“ u Kaknju, dostavljamo sljedeće informacije:

Državna regulatorna agencija za radijacionu i nuklearnu sigurnost Bosne i Hercegovine je dana 07.05.2026. godine, po zaprimanju informacije od Federalne uprave civilne zaštite o anonimnoj prijavi građana, odmah uputila nadležnog državnog inspektora za radijacionu i nuklearnu sigurnost radi vršenja vanrednog inspekcijskog nadzora na predmetnoj lokaciji.

Inspekcijski nadzor izvršen je istog dana uz prisustvo predstavnika Službe civilne zaštite Kakanj. Tom prilikom utvrđeno je da se na objektu nalazi radioaktivni gromobran sa ugrađenim radioaktivnim izvorom, te da je usljed oštećenja sistema zateznih sajli došlo do destabilizacije nosača gromobrana.

Odmah po utvrđivanju činjeničnog stanja subjektu nadzora naloženo je hitno preduzimanje mjera zaštite, uključujući obezbjeđenje lokacije, ograničavanje pristupa i sanaciju postojećeg stanja, odnosno eventualnu deinstalaciju radioaktivnog gromobrana putem ovlašćenog tehničkog servisa, u skladu sa važećim propisima iz oblasti radijacione i nuklearne sigurnosti.

Dana 08.05.2026. godine nadležni inspektor je obaviješten da je izvršena sanacija i da je gromobran vraćen u stabilan i bezbjedan položaj.

Tokom inspekcijskog nadzora izvršena su odgovarajuća mjerenja nivoa jonizujućeg zračenja, pri čemu nije utvrđeno povećanje brzine doze zračenja u neposrednoj blizini predmetnog objekta. Na osnovu izvršenih mjerenja i stručne procjene utvrđeno je da nije postojala neposredna opasnost po zdravlje stanovništva i životnu sredinu.

U vezi sa navodima o eventualnom nepostojanju odobrenja za izvođenje radova, napominjemo da Državna regulatorna agencija za radijacionu i nuklearnu sigurnost Bosne i Hercegovine postupa isključivo u okviru zakonom propisanih nadležnosti iz oblasti radijacione i nuklearne sigurnosti. Pitanja koja se odnose na odobrenja za izvođenje građevinskih ili rušilačkih radova u nadležnosti su drugih organa i inspeksijskih službi.

Takođe ističemo da je Agencija po zaprimanju informacije postupila bez odlaganja, te su nadzorne i zaštitne mjere preduzete odmah po saznanju za predmetni događaj. O svim utvrđenim činjenicama sačinjen je zapisnik, a nadležni inspektor je preduzeo mjere u skladu sa važećim zakonskim i podzakonskim propisima.

Kada je riječ o trajnom zbrinjavanju radioaktivnih izvora, potrebno je naglasiti da Bosna i Hercegovina još uvijek nema uspostavljeno centralno skladište radioaktivnog otpada, zbog čega se ovakvi izvori trenutno mogu držati isključivo pod propisanim uslovima sigurnosti i pod nadzorom nadležnih institucija, u skladu sa važećim propisima.

U vezi sa navodima iz zastupničkog pitanja koji se odnose na preventivno djelovanje nadležnih institucija i sprečavanje nastanka sličnih situacija, potrebno je ukazati da Državna regulatorna agencija za radijacionu i nuklearnu sigurnost obavlja regulatorne, upravne i inspeksijske poslove u oblasti radijacione i nuklearne sigurnosti, ali nije operator za preuzimanje, skladištenje i zbrinjavanje radioaktivnih izvora. U Federaciji Bosne i Hercegovine poslove operatora centralnog skladišta radioaktivnog otpada i iskorištenih izvora obavlja Zavod za javno zdravstvo Federacije Bosne i Hercegovine. Zbog toga pitanja koja se odnose na operativno preuzimanje izvora sa lokacija, raspoloživost skladišnih kapaciteta, planiranje njihovog dugoročnog zbrinjavanja, kao i aktivnosti koje se preduzimaju radi sistemskog uklanjanja napuštenih ili iskorištenih radioaktivnih izvora, nisu u nadležnosti Agencije, već predstavljaju dio aktivnosti za koje je nadležan navedeni operator. Smatramo da bi upravo izjašnjenje Zavoda za javno zdravstvo Federacije Bosne i Hercegovine moglo dati dodatne informacije od značaja za potpuno sagledavanje okolnosti koje su dovele do predmetne situacije, kao i mjera koje se preduzimaju radi sprečavanja sličnih slučajeva u budućnosti.

S poštovanjem,


RAVNATELJ
Ivan Lasić, mag.phys.